



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CCLX. Ioannis Papae VIII. Ad Anspertvm Mediolanensem
Archiepiscopvm. Confirmat Iosephi episcopi Astensis ordinationem, qui
alias contra Canones Vercellensis ecclesiae fuerat episcopus ...

urn:nbn:de:hbz:466:1-15967

Qua de re paterno affectu monemus, vt omnia, sicut vobis direximus, per eosdem legatos adimplere omnino curretis. Ideoque scitote, quoniam si pleno iure cuncta quæ destinauimus non adimpleueritis; nos enim uero quantum in nobis est, zelo Dei succensi ea quæ ad honorem sanctæ Romanæ ecclesiæ pertinent exaggerare penitus satagemus. a quibus nos nulla ferocitas, nulla malorum hominum comminatio, donec spiritus reget artus, poterit sequestrare. Quod iussionem nostri pontificii ingenti præsumptione absurdam posuisti, omnimodis temetipsum proprio iaculo reuerberasti, & velut aspis surda saluti tuæ congruentibus aurem non accommodasti. Sed quid plura? iterum atque iterum inhibendo apostolica auctoritate præcipimus, terminum sancti Petri ad ingrediendum animum vestrum non incitetis: quo usque prædicti legati nostri ad nos reuertantur, omnia nobis renuntiatur, itemque alios ad nos transmittere cures. Data octavo Kalendas Februarii, indictione XIV.

EPISTOLA CCLX.

IOANNIS PAPÆ VIII.

AD ANSPERTVM MEDIOLANENSEM
ARCHIEPISCOPVM.

Confirmat Iosephi episcopi Astensis ordinationem, qui alias contra Canones Vercellensis ecclesiæ fuerat episcopus constitutus.

Ansperto Mediolanensi archiepiscopo.

CONSULTATIONIS tuæ qua nos super Ioseph, nuper in Vercellensi ecclesia ordinati, noua nunc electio-
ne, vel ordinatione in ecclesia Astensi, consulere voluisti,
perspectis suggestionibus, quibus super hoc nostræ aucto-
ritatis consultum requiris, canonicum iudicauimus, &
nostris tibi decretis conuenienter, propitia diuinitate, re-
spondimus. Fuerat autem de illo primum, vt ipse mecum
aduertis, quoddam irregulariter institutum: sed nos apud
beatum Petrum apostolum cum sancta Synodo residen-
tes, salubri potiti consilio, & animositatem illius correxi-
mus, & misericordia fomenta, gratia sancti Spiritus reue-

lante, protinus adhibuimus; scilicet, vt eo in pristinum ordinem reducto, si alium episcopatum ei concedere voluisses, & cleri, vel populi vota hunc sibi concorditer in episcopum expeterent, & eligeretur, & sicut qui nihil ab ordinatore prius acceperit, in episcopum crearetur. Interea accidit, vt Astenis ecclesiæ rectore proprio obeunte, permisso Caroli glorioſi regis idem Ioseph post electionem cleri, & expeditionem populi, in eadem ecclesia deberet ordinari episcopus, tua fraternitas, tam nostra absolutio- ne, quam etiam ipfius regis exhortata monitionibus, hoc libenter admisit, & canonice iussa complere conata est. Quod quia nunc sententiam nostram tu quoque fecutus, & regalem permissionem devote, sicut condecet, es amplexatus, præfatum Ioseph presbyterum sanctæ ecclesiæ Asteni episcopum præfecisti, & ordinationem illius ratam haberi decernimus, & omnium ora contra hoc quoquo modo mussitantia apostolica auctoritate obstruimus: quia sicut de irregulariter quibuslibet habitis, nos ad hæc corrigenda zelus iustitiae excitat; ita de bonorum virorum laudabilibus factis gratia diuina lætificat. Nam & sedes apostolica, iuxta quod sanctus Leo papa scribit, hanc temperantiam seruat, vt & seuerius agat cum obduratis, & veniam cupiat præstare correctis: & ideo his omissis, de prælibati Ioseph iterata creatione sanctitas tua, in nullo penitus hæsitet: quia hanc & nos approbatam admittimus, & ab omnibus admittendam esse mandamus: quia quod non ostenditur factum per impositionem manus illius, qui tempore suæ legationis, quod dare visus est, vt ita dixerim, non habuit, ratio non finit, vt videatur iteratum. Data xv. Kalendas Martii, indictione xiv.

Epist. 15.

EPI-